



本紀第四

遼史四

開府儀同三司柱國錄軍國軍事中書省丞相監修國史領經筵事都總裁臣脫脫奉

勅修

太宗下

會同元年春正月戊申朔晉及諸國遣使來賀晉使且言
已命和凝撰聖德神功碑辰遣人使晉二月壬午室韋
進白鹿戊子鐵驪來貢丁酉獵松山戊戌幸遼河東丙申
上思人皇王遣惕隱率宗室以下祭其行宮丁未詔增晉
使所經共億六三月壬戌將東幸三刻言農務方興請減
輜重促還期從之丙寅女直來貢癸酉東幸夏四月戊寅

朔如南京甲申女直來貢乙酉幸溫泉己丑還宮朝于皇
太后丁酉女直貢弓矢己亥西南邊大詳穩耶律魯不古
奏党項捷五月甲寅晉復遣使請上尊號從之六月丙子
朔吐谷渾及女直來貢辛卯南唐來貢癸巳詔建日月四
時堂圖寫皇帝王事于兩廡秋七月癸亥遣使賜晉馬丁
卯遣鶻离底使晉梅里了古使离唐戊辰遣中臺省右相
耶律述蘭送烈哥使晉臨海軍節度使趙思温副之冊晉
帝為英武明義皇帝八月戊子女直來貢庚子吐谷渾烏
孫靺鞨皆來貢九月庚戌黑車子室韋貢名馬邊臣奏晉
遣守司空馮道左散騎常侍韋勳來上皇太后尊號左僕

射劉煦右諫議大夫盧重上皇帝尊號遂遣監軍寅你已
充接伴壬子詔群臣及高年凡授大臣爵秩皆賜錦袍金
帶白馬金飾鞍勒著于令冬十月甲戌朔遣郎君迪里姑
等撫問晉使壬寅晉遣使來謝冊禮是日復有使進獨峯
駝及名馬十一月甲辰朔命南北宰相及夷离董就館賜
晉使馮道以下宴丙午上御開皇殿召見晉使壬子皇太
后御開皇殿馮道韋勳冊上尊號曰廣德至仁昭烈崇簡
應天皇太后甲子行再生柴冊禮丙寅皇帝御宣政殿劉
煦盧重冊上尊號曰睿文神武法天啟運明德章信至道
廣敬昭孝嗣聖皇帝大赦改元會同是月晉復遣趙瑩奉

表來賀以幽薊瀛莫涿檀順媯儒新武雲應朔襄蔚十六
州并圖籍來獻於是詔以皇都爲上京府曰臨潢升幽州
爲南京南京爲東京改新州爲奉聖州武州爲歸化州升
北南二院及乙室夷离堇爲王以主簿爲令令爲刺史刺
史爲節度使二部梯里已爲司徒達刺干爲副使麻都不
爲縣令縣達刺干爲馬步軍宣徽閣門使控鶴客省御史
大夫中丞侍御判官文班牙署諸官院世燭馬群遙輦世
燭南北府國舅帳郎君官爲敝史諸部宰相節度使帳爲
司空二室韋闡林爲僕射鷹坊監冶等局官長爲詳穩十
二月戊戌遣同括阿鉢等使晉制加晉馮道守太傅劉煦

太保餘官各有差

二年春正月乙巳以受晉用遣使報南唐高麗丁未御開
皇殿宴晉使馮道以下賜物有差戊申晉遣金吾衛大將
軍馬從斌考功郎中劉知新來貢球幣命分賜群臣丙辰
晉遣使謝免沁邊四州錢幣二月戊寅宴諸王及節度使
來賀受用禮者仍命皇太子惕隱迪輦餞之癸巳謁太祖
廟賜在京吏民物及內外群臣官賞有差丁酉加兼侍中
左金吾衛上將軍王鄴檢校太尉三月改于裏潭之側戊
申女直來貢丁巳封皇子述律爲壽安王罽撒葛爲太平
王己巳大賚百姓夏四月乙亥幸木葉山癸巳東京路奏

狼食人五月乙巳禁南京鬻牝羊出境思奴古多里等坐
盜官物籍其家南唐遣使來貢丁未以所貢物賜群臣戊
酉回鶻單于使人乞授官詔第加刺史縣令六月丁丑兩
雲是夏駐蹕頻蹕浹秋七月戊申晉遣使進犀帶庚戌吐
谷渾來貢乙卯敕史阿鉢坐奉使失職命笞之閏月癸未
乙室大王坐賦調不均以太劍背撻而釋之并罷南北府
民之供及宰相節度諸賦役非舊制者乙酉遣的烈賜晉
馬古良馬己丑以南王府二刺史貪蠹各杖一百仍繫獄
候滿備射界箭選群臣爲民所愛者代之八月乙丑晉遣
使貢歲幣奏輸戊亥二歲金幣于燕京九月甲戌阻卜阿
离底來貢己卯遣使使晉冬十月丁未上以烏古部水草
肥美詔北南院徙三石烈戶居之十一月丁亥鐵驪激惶
並遣使來貢十二月庚子鈎魚于土河甲子回鶻使者
人有以刃相擊者詔付其使處之

三年春正月戊子吳越王遣使來貢庚寅人皇王妃來朝
回鶻使乞觀諸國使朝見禮從之壬辰遣陪謁阿鉢使晉
致生辰禮晉以并鎮忻代之吐谷渾來歸二月己亥奚王
勞骨寧率六節度使朝貢帝命烏古遣使獻伏鹿國俘賜
其部夷离董旗鼓以旌其功壬寅女直來貢辛亥墨離鶻
末里使回鶻阿薩蘭還賜對衣勞之乙卯鴨綠江女直遣

使來觀三月戊辰遣使使晉報幸南京己巳如南京辛未
命惕隱耶律涅離骨德率萬騎先驅壬申次石嶺以奚王
勞骨寧監軍寅你巳朝謁不時切責之丙子魯六姑上党
項俘獲數矣未獵水門獲白鹿庚寅詔扈從擾民者從軍
律甲午幸薊州乙未晉及南唐各遣使來觀夏四月庚子
至燕備法駕入自拱辰門御元和殿行入閣禮壬寅遣人
使晉乙巳幸留守趙延壽別墅丙午晉遣宣徽使楊端王
眺等來問起居壬子御便殿宴晉及諸國使丙辰晉遣使
進茶藥壬戌御昭慶殿宴南京群臣癸亥晉遣使賀端午
以所進節物賜群臣乙丑南唐進白龜五月庚午以端午

群臣及諸國使命回鶻燉煌二使作木俗舞俾諸使觀
之庚辰晉遣使進弓矢甲申遣皇子天德及檢校司徒邱
用和使晉丙子閱騎兵于南郊六月乙未朔東京宰相耶
律羽之言渤海相大素賢不法詔僚佐部民舉有才德者
代之丙申閱歲卒于南郊庚子晉及轄刺骨只遣使來覲
壬寅駕發燕京命中書令蕭僧隱部諸道軍于長坐營癸
丑次奉聖州甲寅勞軍士秋七月己巳獵猾底烈山癸酉
朝于皇太后丙子從皇太后視人皇王妃疾戊寅人皇王
妃蕭氏薨己卯以安重榮據鎮州叛晉詔征南將軍柳嚴
邊備丙戌徙人皇王行宮于其妃薨所辛卯晉遣使請行

南郊禮許之八月己亥詔東丹史民爲其王倍妃蕭氏服
庚子阻卜來貢壬寅遣使南唐乙巳阻卜黑車子室韋貨
烈等國來貢南唐遣使求青纒帳賜之戊申以安端私城
爲白川州辛亥鼻骨德使乞賜爵以其國相授之甲寅阻
卜來貢乙卯置白川州官屬丙辰詔以于諧里河臚胸河
之近地給賜南院歐董突呂乙斯勃北院溫納何刺三石
烈人爲農田九月庚午侍中崔窮古言晉主聞陛下數游
獵意請節之上曰朕之畋獵非徒從樂所以練習武事也
乃詔諭之壬午邊將奏破吐谷渾擒其長詔止誅其首惡
及其丁壯餘並釋之丙戌晉遣使貢名馬戊子女直及吳

越王遣使來貢冬十月辛丑遣剋朗使吳越略姑使南唐
庚申晉遣使貢布及請親祠南嶽後之十一月己巳南唐
遣使奉璣丸書言晉密事丁丑詔有司教民播種紡績除
姊亡妹續之法十二月壬辰朔率百僚謁太祖行宮甲午
燔柴禮畢祠于神帳丙申遣使使晉丙辰詔契丹人授
官者從漢儀聽與漢人婚姻丁巳詔燕京皇城西南堞建
涼殿是冬駐蹕于傘沱

四年春正月壬戌以乙室品卑突軌三部鰥寡不能自存
者官爲之配丙子南唐遣使來貢庚辰涅刺烏隗部獻党
項俘獲數己丑詔定征党項功二月丙申皇太子獲白鷹

甲辰晉遣使進香藥丙子鐵驪來貢丁巳詔有司編始祖
奇首可汗事迹己未晉遣楊彥詢來貢且言鎮州安重榮
跋扈狀遂留不遣是月晉鎮州安重榮執遼使者拽刺三
月特授回鶻使闊里于越并賜旌旗弓劍衣馬餘賜有差
癸酉晉以許祀南郊遣使來謝進黃金千鎰夏四月己卯
晉遣使進櫻桃五月庚辰吐谷渾夷离董蘇等叛入晉遣
牒蠟往諭晉及太原守臣六月辛卯振武軍節度副使趙
崇逐其節度使耶律晝里以朔州叛附晉丙午命宣徽使
張古只赴朔州以兵圍其城有晉使至請開壁即勿聽驛
送闕下秋七月癸亥南唐遣使奉蠟丸書丙寅張古只奏

至朔令降守者猶堅壁弗納且言晉有貢物命
物賜攻城將校己巳有司奏神農車有騏驎成
之吉壬申晉遣使進水晶硯八月癸巳南唐奉蠟丸
書庚子晉遣使進犀弓竹矢吳越王遣使奉蠟丸書九月
壬申有星孛于晉分丁丑幸歸化州冬十月辛丑有司奏
燕薊大熟癸卯吳越王遣使來貢十一月丙寅晉以討安
重榮來告庚午吐谷渾請降遣使撫諭阻卜來貢以其物
賜左右丙子鴨綠江女直來貢壬午以求寧天授二節及
正旦重午冬至臘並受賀著令十二月戊子晉遣使來告
山南節度使安從進反詔以便宜討之庚寅南唐遣使奉

麟九書戊戌晉遣王升鸞來貢戊申晉以敗安重榮來告
遂遣楊彥詢歸辛亥晉遣使乞罷戍兵詔惕隱朔古班師
甲寅攻拔朔州遣控鶴指揮使詣里勞軍時裏古只戰於
城下上怒命誅城中丁壯仍以叛民上戶三十為裏古只
部曲

五年春正月丙辰朔上在歸化州御行殿受群臣朝以諸
道貢物進太后及賜宗室百僚戊午詔求直言比王曆
君耶律海思應詔召對稱旨特授直徽使詔改事令僧
等以契丹戶分屯南邊戊辰晉函安重榮首來獻上數
親討重榮至是乃止癸酉遣使使晉是月晉以朔州平

使來賀遂遣客省使耶律化哥使晉拜致生辰禮二月
辰上將南幸以諸路有未平者召太子及群臣議皆曰
襄鎮朔三州雖已平然吐谷渾為安重榮所誘猶未歸命
宜發兵討之以警諸部上曰王與朕合遂詔以明王與
代于越信恩為西南路招討使以討之且諭明王與
習邊事而後之官甲午如南京遣使使晉索吐谷渾叛者
乙未烏骨德來貢三月乙卯朔晉遣齊州防禦使宋暉
翰林茶酒使張言來問起居閏月駐蹕陽門夏四月甲寅
朔鐵驪來貢以其物分賜群臣丙子晉遣使進射柳鞍馬
五月五日戊午禁屠宰六月癸丑朔晉齊王重貴遣使來

貞丁巳徒覩古素撤來貞乙丑晉主敬瑭殂子重貴立戊辰晉遣使告哀輟朝七日庚午遣使往晉弔祭丁丑聞皇太后不豫上馳入侍湯藥必親嘗仍告太祖廟幸菩薩堂飯僧五萬人七月乃愈秋七月庚寅晉遣金吾衛大將軍梁言判四方館事朱崇節來謝書稱孫不稱臣遣客省使喬榮讓之景延廣答曰先帝則聖朝所立今主則我國自稱爲鄰爲孫則可奉表稱臣則不可榮還其奏之上始有南代之意辛卯阻卜鼻骨德烏古來貢將軍闡德里蒲骨降將轄德至闕并獻所獲丁未晉遣使以祖母哀來

月辛酉女直阻卜烏古各貢方物甲子晉復襄州戊辰詔河東節度使劉知遠送叛臣烏古指揮使由燕京赴闕癸酉遣天城軍節度使蕭拜石弔祭丁酉九月壬辰遣使賀晉帝嗣位冬十月己巳徵諸道兵遣將軍密骨德伐党項十一月乙未武定軍奏松生棗十二月癸亥晉遣使來謝是冬駐蹕赤城

六年春二月乙卯晉遣使進先帝遺物辛酉晉遣使請居汴從之三月己卯朔吳越王遣使來貢甲申梅里喘引來歸戊子南唐遣使奉蠟丸書丁未晉至汴遣使來謝夏四月戊申朔日有食之五月己亥遣使如晉致生辰禮六月丁未朔鐵驪來貢己未奚鋤骨里部進白麝辛酉莫州進

白鵲晉遣使貢金秋八月丁未朔晉復貢金己未如奉聖
州晉遣其子延煦來朝冬十一月辛卯上京留守耶律迪
輦得晉謀知有二心甲辰鐵驪來貢十二月丁未如南京
議伐晉命趙延壽趙延昭安端解里等由滄恒易定分道
而進大軍繼之是歲楊彥昭請移鎮柰灤及新鎮從之
七年春正月甲戌朔趙延壽延昭率前鋒五萬騎次任丘
丙子安端入鴈門圍忻代己卯趙延壽圍貝州其軍校邵
珂開南門納遼兵太守吳巒投井死己丑次元城授延壽
魏博等州節度使封魏王率所部屯南樂丙申遣兵攻黎
陽晉張彥澤來拒辛丑晉遣使來修舊好詔割河北諸州

及遣桑維翰景延廣來議二月甲辰攻博州刺史周儒以
城降晉平盧軍節度使楊光遠密遣師自馬家口齊河
晉將景延廣命石斌守麻家口白再榮守馬家口未幾周
儒引遼軍麻荅營于河東攻鄆州北津以應光遠晉遣李
守貞皇甫遇梁漢璋薛懷讓將兵萬人緣河水陸俱進遼
軍圍晉別將于戚城晉主日將救之遼師解去守貞等至
馬家口麻荅遣步卒萬人築營壘騎兵萬人守於外餘兵
屯河西渡未已晉兵薄之遼軍不利三月癸酉朔趙延壽
言晉請軍汾河置柵皆畏怯不敢戰若率大兵直抵澶淵
據其橋梁晉必可取是日晉兵駐澶淵其前軍高行周在

戚城乃命延壽延昭以數萬騎出行周右以精兵出其
左戰至暮上復以勁騎突其中軍晉軍不能戰會有謀者
言晉軍東面數少以河城柵不固乃急擊其東偏眾皆奔
潰繼兵追及遂大敗之壬午留趙延昭守貝州徙所俘六
于內地夏四月癸丑還次南京辛未如涼陞五月癸酉耶
律拔里得奏破德州擒刺史尹居璠及將吏二十七人六
月甲辰黑車子室韋來貢乙巳紇沒里要里等國來貢秋
七月己卯晉楊光遠遣人奉蠟丸書辛卯晉遣張暉奉表
乞和留暉不遣八月辛酉回鶻遣使請婚不許是月晉鎮
州兵來襲飛狐大同軍節度使耶律孔阿戰敗之九月庚
午朔北辛十月丁未鼻骨德來貢壬戌天授節諸國進
惟晉不至十一月壬申詔徵諸道兵以閏月朔會溫榆
北十二月癸卯南伐甲子次古北口閏月己巳朔謁諸道
兵於溫榆河己卯圍恒州下其九縣

八年春正月庚子分兵攻邢洛磁三州殺掠殆盡入鄴
境張從恩馬全節安審琦兵悉陳于相州安陽水之南皇
甫遇與濮州刺史慕容彥超將兵千騎來覘遼軍至鄴都
遇遼軍數萬且戰且却至榆林店遼軍繼至遇與彥超力
戰百餘合遇馬斃少戰審琦引騎兵踰水以救遼軍乃還
二月圍魏晉將杜重威率兵來救戊子晉將折從阮陷滕

州三月戊戌師拔祁州殺其刺史沈斌庚戌杜重威李守
貞攻赤州戊子趙延壽率前鋒薄秦城己未重威守貞引
兵南遁追至陽城大敗之復以步卒爲方陣來拒與戰二
十餘合壬戌復搏戰十餘里癸亥圍晉兵于白團衛村晉
兵下鹿角爲營是夕大風至曙命鐵鷁軍下馬拔其鹿角
奮短兵入擊順風縱火揚塵以助其勢晉軍大呼曰都招
討何不用兵令士卒徒死諸將皆奮出戰張彥澤藥元福
皇甫遇出兵大戰諸將繼至遼軍却數百步風益甚晝將
如夜符彥卿以萬騎橫擊遼軍率步卒並進遼軍不利
乘奚車退十餘里晉追兵急獲一橐駝乘之乃歸晉兵

保定州夏四月甲申還次南京杖戰不力者各數百庚寅
宴將士於元和殿癸巳如涼陁六月戊辰回鶻來貢辛未
吐谷渾鼻骨德皆來貢辛巳黑車子室韋來貢丁亥趙延
壽奏晉兵襲高陽戍將擊走之秋七月乙卯獵平地松林
晉遣孟守中奉表請和仍以前事荅之八月己巳詔待衛
蕭素撒閱群牧于北陁九月壬寅次赤山宴從臣問軍國
要務對曰軍國之務愛民爲本民富則兵足兵足則國強
上以爲然辛酉還上京冬十月辛未祠木葉山十一月戊
戌女直鐵驪來貢十二月癸亥朔朝謁太祖行宮乙丑雲
州節度使耶律孔阿獲晉謀者戊辰臘賜諸國貢使衣馬

九年春正月庚子回鶻來貢丁未女直來貢二月戊辰鼻
骨德奏軍籍三月己亥吐谷渾遣軍校恤烈獻生口千戶
授恤烈檢校司空夏四月辛酉朔吐谷渾白可久來附是
月如涼陁五月庚戌晉易州戍將孫方簡請內附六月庚
子謁祖陵更闕神殿爲長思秋七月辛亥詔徵諸道兵
傷禾稼者以軍法論癸丑女直來貢乙卯以阻卜酋長
刺爲本部夷離董八月丙寅烏古來貢是月白將南
月壬辰閱諸道兵于漁陽西東林淀是月趙延壽
彥暉戰于定州敗之十一月戊子朔進圍鎮州丙申
候騎報晉兵至遣精兵斷河橋晉兵退保武強南完

迪輦將軍高模翰分兵由瀛州間道以進杜重威遣貝
節度使梁漢璋率衆來拒與戰大敗之殺梁漢璋杜重
張彥澤引兵據中渡橋趙延壽以步卒前擊高彥溫以騎
兵乘之追奔逐北殪屍數萬斬其將王清宋彥筠墮水死
重威等退保中渡寨義武軍節度使李殷以城降遂進兵
夾滹沱而營去中渡寨三里分兵圍之夜則列騎環守晝
則出兵抄掠復命大內惕隱耶律朔骨里及趙延壽分兵
圍守自將騎卒夜渡河出其後攻下欒城降騎卒數千分
遣將士據其要害下令軍中預備軍食三日不得舉煙火
但獲晉人即黥而縱之諸饋運見者皆棄而走於是晉兵

內外隔絕食盡勢窮十二月丙寅杜重威李守貞張彥澤等率所部二十萬眾來降上擁數萬騎臨大阜立馬以受之授重威守太傅鄴都留守守貞天平軍節度使餘各領舊職分降卒之半付重威半以隸趙延壽命御史大夫鮮于監軍傅桂兒張彥澤持詔入汴諭晉帝母李氏以安其意且召禁維翰景延廣先來留騎兵千人守魏自率大軍而南壬申解里等至汴晉帝重貴素服拜命與母李氏奉表請罪初重貴絕和好維翰數諫止之不從至是彥澤殺維翰給言自經死詔收葬之復其田園第宅仍厚恤其家彥澤遷重貴及其母若妻於開封府署以控鶴指揮

使李榮督兵衛之壬午次赤岡重貴舉族出封丘門橐索牽羊以待上不忍臨視命改館封禪寺晉百官縞衣紗帽俯伏待罪上曰其主負息其臣何罪命領職如故即授安叔千金吾衛上將軍叔千出班獨立上曰汝邢州之請朕所不忘乃加鎮國軍節度使蓋在邢嘗密請內附也將軍康祥執景延廣來獻詔以牙籌數其罪凡八執繫送都道自殺

大同元年春正月丁亥朔備法駕入汴御崇元殿受百官賀戊子以樞密副使劉敏權知開封府殺秦繼昊李彥紳及鄭州防禦使楊承勳以其弟承信為平盧軍節度使襲

父爵初楊光遠在青州求內附其子承勳不聽殺其判官
 丘濤及弟承祚等自歸于晉故誅之己丑以張彥澤擅徙
 重貴開封殺栾維翰縱兵大掠不道斬於市晉人鬻食之
 辛卯降重貴為崇祿大夫檢校太尉封負義侯癸巳以張
 礪為平章事晉李崧為樞密使馮道為太傅和凝為翰林
 學士趙瑩為太子太保劉煦守太保馮玉為太子少保癸
 卯遣趙瑩馮玉李彥韜將三百騎送負義侯及其母李氏
 妃 氏妻馮氏弟重睿子延煦延寶等于黃龍府安置
 仍以其宮女五十人內宦三人東西班五十人醫官一人
 控鶴四人庖丁七人茶酒司三人儀鸞三人健卒十人從

之二月丁巳朔建國號大遼大赦改元大同升鎮州為
 京以趙延壽為大丞相兼政事令樞密使中京留守中外
 官僚將士爵賞有差辛未河東節度使北平王劉知遠自
 立為帝國孺漢詔以耿崇美為昭義軍節度使高唐英為
 昭德軍節度使崔廷勳為河陽軍節度使分據要地三月
 丙戌朔以蕭翰為宣武軍節度使賜將吏爵賞有差壬寅
 晉諸司僚吏嬪御宦寺方技百工圖籍曆象右經銅人明
 堂刻漏太常樂譜諸宮縣鹵簿法物及鎧仗悉送上京磁
 州帥梁暉以相州降漢己酉命高唐英討之夏四月丙辰
 朔發自汴州以馮道李崧和凝李濟徐台符張礪等從行

次赤岡夜有聲如雷起於御幄大星復墮於旗鼓前乙丑
濟黎陽渡顧謂侍臣曰朕此行有三失縱兵掠芻粟一也
括民私財二也不遽遣諸節度還鎮三也皇太弟遣使問
軍前事上報曰初以兵二十萬降杜重威張彥澤下鎮州
及入汴視其官屬具負者省之當其才者任之司屬雖存
官吏廢墮猶雛飛之後徒有空巢久經離亂一至於此所
在盜賊屯結土功不息餽餉非時民不堪命河東尚未歸
命西路酋帥亦相黨附夙夜以思制之之術惟推心庶僚
和協軍情撫綏百姓三者而已今所歸順凡七十六處得
戶一百九萬百一十八非汴州炎熱水土難居止得一年

太平可指掌而致且改鎮州爲中京以備巡幸欲伐河東
始俟別圖其槩如此戊辰次高邑不豫丁丑崩于欒城年
四十六是歲九月壬子朔葬于鳳山陵曰懷陵廟號太宗
統和二十六年七月上尊謚孝武皇帝重熙三十一年九
月增謚孝武惠文皇帝

贊曰太宗甫定多方遠近向化建國號備典章至於釐庶
政闕名實錄囚徒教耕織配鰥寡求直言之士得郎君海
思即擢宣徽嘉唐張敬達忠於其君卒以禮葬輟遊豫而
約三刻之請憫士卒而下休養之令親征晉國重貴面縛
斯可謂威德兼弘英略間見者矣入汴之後無幾微之驕

通鑑四
有三失之訓傳稱鄭伯之善處勝書進秦誓之能悔過太宗蓋兼有之其卓矣乎

本紀第四

本紀第五

開府儀同三司上柱國錄軍國軍事中書右丞相監修國史領經筵事都總裁臣沈
勅修

世宗一

世宗孝和莊憲皇帝諱阮小字元欲讓國皇帝長子母柔
貞皇后蕭氏帝儀觀豐偉內寬外嚴善騎射樂施予人望
歸之太宗愛之如子會同九年從伐晉大同元年二月封
永康王四月丁丑太宗崩於藥城戊寅梓宮次鎮陽即皇
帝位於柩前甲申次定州命天德朔古解里等護梓宮先
赴上京太后聞帝即位遣太弟李胡率兵拒之六月甲寅

朔次南京五院夷酋董安端詳稱劉哥遣人馳報請為前鋒至泰德泉遇李胡軍戰敗之上遣郎君勒德等詣兩軍諭解秋閏七月次漢河太后李胡整兵拒於橫渡相持數日用屋質之謀各罷兵趨上京既而聞太后李胡復有異謀遷于祖州誅司徒劃設及楚補里八月壬午朔尊母蕭氏為皇太后以太后族刺只撒古魯為國舅帳立詳穩以總焉以崇德宮戶分賜翼戴功臣及北院大玉汪南院大正吼各五十安搏楚補各百的魯鐵刺子孫先以非罪籍沒者歸之癸未始置北院樞密使以安搏為之九日壬子崩葬嗣聖皇帝於懷陵丁卯行柴冊禮群臣上尊號曰天

機皇帝大赦改大同元年為天祿元年追謚皇考曰讓國皇帝以安端主東丹國封明王察割為泰寧王劉哥為惕隱高勳為南院樞密使

二年春正月天德蕭翰劉哥益都等謀反誅天德杖蕭翰遷劉哥於遼罰益都使轄戛斯國漢主劉知遠殂子承佑立夏四月庚辰朔南唐遣李朗王祚來慰且賀兼奉蠟丸書議攻漢秋七月壬申皇子賢生冬十月壬午南京留守魏三趙延壽薨以中臺省右相牒謁為南京留守封燕王十一月駐蹕彰武南

三年春正月蕭翰及公主阿不里謀反翰伏誅阿不里

死獄中庚申肆赦內外官各進一階夏六月戊寅以敞史
耶律胡離軫爲北院大王己卯陽隱頽昱封漆水郡王秋
九月辛丑朔召群臣議南伐冬十月遣諸將率兵攻下具
州高老鎮徇地鄴都南宮堂陽殺深州刺史史萬山俘獲
甚衆

四年春二月辛未秦寧王察割來朝留侍是月建政事省
三月戊戌朔南唐遣趙延嗣張福等來賀南征捷秋九月
乙丑朔如山西冬十月自將南伐攻下安平內丘東鹿等
城大獲而還是歲冊皇后蕭氏

五年春正月癸亥朔如百泉湖漢郭威弒其主自立國號

周遣朱憲來告即遣使致良馬漢劉崇自立於太原二月
周遣姚漢英華昭胤來以書辭抗禮留漢英等夏五月壬
戌朔太子太傅趙瑩薨朝一日命歸葬于汴詔州縣錄
事參軍主簿委政事省銓注六月辛卯朔劉崇爲周所攻
遣使稱姪乞援且求封冊即遣燕王牒螭樞密使高勳冊
爲大漢神武皇帝南唐遣蔣洪來乞舉兵應援是夏清暑
百泉嶺九月庚申朔自將南伐壬戌次歸化州祥古山癸
亥祭讓國皇帝于行宮群臣皆醉察割反帝遇弒年三十
四應曆元年葬於顯州西山陵曰顯陵二年謚孝和皇帝
廟號世宗統和二十六年七月加謚孝和莊憲皇帝

贊曰世宗中才之主也入繼大統曾未三年納唐九書即
議南伐既乏持重宜班周防蓋有致禍之道矣然而孝友
寬慈亦有君人之度焉未及師還變起沉湎豈不可哀也
哉

本紀第五

本紀第六

遼史六

開府儀同三司上柱國錄軍國軍事書省相兼樞密院事都總裁臣院勅奉

勅修

穆宗一

穆宗孝安敬正皇帝諱璟小字述律太宗皇帝長子母曰
靖安皇后蕭氏會同二年封壽安王天祿五年九月癸亥
世宗遇害逆臣察割等伏誅丁卯即皇帝位群臣上尊號
曰天順皇帝改元應曆戊辰如南京是月遣劉承訓告哀
于漢冬十一月漢周南唐各遣使來弔乙亥詔朝會依嗣
聖皇帝故事用漢禮十二月甲辰漢遣使獻弓矢鞍馬壬

子鐵驪鼻骨德皆來貢

二年春正月戊午朔南唐遣使奉蠟丸書及進犀兕申萬
屬壬戌太尉忽古質謀逆伏誅二月癸卯女直來貢三月
癸亥南唐遣使奉蠟丸書丁卯復遣使來貢甲申以耶律
撻烈爲南院大王夏四月丙戌朔日有食之己亥鐵驪進
鷹鷂五月丙辰朔視朝壬午南唐遣使來貢六月壬辰國
舅政事令蕭眉古得宣政殿學士李澣等謀南奔事覺詔
暴其罪乙未祭天地壬寅漢爲周所侵遣使求援命中臺
宰相高模翰赴之丁未命乳媪之兄曷魯世爲阿速石
人莫离童秋七月乙亥政事令婁國沐三敵烈侍中神都

郎君海里等謀亂就誅

己丑眉古得婁國等伏誅

李澣而釋之九月甲寅朔二州進嘉禾四莖二穗戊午詔
以先平察割日用白黑羊玄酒祭天歲以爲幣壬戌獵炭
山祭天庚辰敵烈部來貢冬十月甲申朔漢使進葡萄酒
酒甲午司徒老古等獻白雉戊申回鶻及轄戛斯皆遣使
來貢十一月癸丑朔視朝己巳地震己卯日南至始用舊
制行拜日禮朔州民進黑兔十二月癸未朔高模翰及漢
兵圍晋州辛卯以生日飯僧釋繫囚甲辰獵于近郊祀天
地辛亥明王安端薨

三年春閏正月壬午朔漢以高模翰却周軍遣使來謝二

月辛亥朔詔用嗣聖皇帝舊璽甲子太保敵烈脩易州城
 鎮州以兵來挑戰却之三月庚辰朔南唐遣使來貢因附
 書于漢詔達之其寅如應州擊鞠丁酉漢遣使進毬衣及
 馬庚子觀漁德湖夏四月庚申鐵驪來貢五月壬寅
 漢遣使言不詳先帝聖德神功碑為周人所毀請再刻
 許之六月丁卯應天皇帝太后崩秋七月不視朝八月壬子
 以生日釋囚己未漢遣使求援三河烏古吐蕃吐谷渾鼻
 骨德皆遣使來貢九月庚子漢遣使貢藥冬十月己酉命
 太師唐骨德治大行皇太后園陵李胡子宛郎君嵇幹敵
 烈謀反事覺辭遣太平王菴撒葛林牙華割郎君新羅等

皆執之十一月辛丑謚皇太后曰貞烈葬祖陵漢遣使來

會冬駐蹕奉聖州以南京水詔免今歲租

四年春正月戊寅回鶻來貢己丑華割嵇幹等伏誅宛及

菴撒葛皆釋之是月周主威殂養子晉王柴榮嗣立二月

丙午朔周攻漢命政事令耶律敵祿援之丙辰漢遣使進

茶藥幸南京夏五月乙亥柝代二州叛漢遣南院大王撻

烈助敵祿討之丁酉撻烈敗周將符彥卿於柝口六月癸

亥撻烈獻所獲秋七月乙酉漢民有為遼軍誤掠者遣使

來請詔悉歸之九月丙申漢為周人所侵遣使來告冬子

一月彰國軍節度使蕭敵烈太保許從壇奏柝代二州捷

十二月辛酉朔謁祖陵庚午漢遣使來貢是冬駐蹕杏峒
五年春正月辛未朔鼻骨德來貢二月庚子朔日有食之
庚申漢遣使請上尊號不許壬戌如夷潭夏四月己酉周
侵漢漢遣使求援癸丑命卽君蕭海瓌世爲北府宰相秋
九月庚辰漢主有疾遣使來告冬十月壬申女直來貢丁
亥謁太宗廟庚寅南唐遣使來貢十一月乙未朔漢主宗
祖子承鈞遣使來告且求嗣立遣使弔祭遂封冊之十二
月乙丑朔謁太祖廟辛巳漢遣使來議軍事

六年夏五月丁酉謁懷陵六月甲子漢遣使來議軍事秋
七月不視朝九月戊午謁祖陵冬十一月壬寅鼻骨德來

七年二月己未朔謁太祖廟

七年春正月庚子鼻骨德來貢二月辛酉南唐遣使奉蠟
九書辛未駐蹕潢河夏四月戊午朔還上京初女巫肖古
上延年藥方當用男子膽和之不數年殺人甚多至是覺
其妄辛巳射殺之五月辛卯漢遣使來貢六月丙辰周遣
使來聘南唐遣使來貢八月己未周遣使來聘是秋不聽
政冬十月庚申獵于七鷹山十二月丁巳詔大臣曰有罪
者法當刑朕或肆怒濫及無辜卿等切諫無或面從辛巳

還上京

八年春二月乙丑駐蹕潢河夏四月甲寅南京留守蕭思

溫攻下松邊州縣遣人勞之五月周陷東城縣六月辛未
蕭思溫請益兵乞駕幸燕秋七月獵于拽刺山迄于九月
射鹿諸山不視朝冬十一月辛酉漢遣使來告周復來侵
乙丑使再至十二月庚辰又至

九年春正月戊辰駐蹕漢河夏四月丙戌周來侵戊戌以
南京留守蕭思溫爲兵馬都總管擊之是月周授益津瓦
橋淤口三關五月乙巳朔陷瀛莫二州癸亥如南京辛未
周兵退六月乙亥朔視朝戊寅復容城縣庚申西幸如懷
州是月周主榮殂子宗訓立秋七月發南京軍戍范陽冬
十二月戊寅還上京庚辰王子敵烈前宣徽使海思及蕭
達干等謀反事覺鞠之辛巳祀天地祖考告逆黨事敗丙
申召群臣議時政

十年春正月周殿前都點檢趙匡胤廢周自立建國號宋
夏五月乙巳謁懷陵壬子漢以潞州歸附來告丙寅至自
懷陵六月庚申漢以宋兵圍石州來告遣大同軍節度使
阿剌率四部往援詔蕭思溫以三部兵助之秋七月己亥
朔宋兵陷石州潞州復叛漢使來告辛酉政事令耶律壽
遠太保楚阿木等謀反伏誅以酒脯祠天地于黑山八月
如秋山幸懷州庚午以鎮茵石浚猊擊殺近侍古哥冬十
月丙子李胡子喜隱謀反辭連李胡下獄死十一月海思

通志卷之六
獄中上書陳便宜

十一年春二月丙寅釋喜隱辛亥司徒烏里只子迭刺哥誣告其父謀反復詐乘傳及殺行人以其父請杖而釋之丙辰蕭思溫奏老人星見乞行赦宥閏月甲子如潢河夏四月癸巳朔日有食之是月射鹿不視朝五月乙亥司天王白李正等進曆六月甲午赦冬十一月歲星犯月

十二年春正月甲戌夜觀燈二月己丑朔以御史大夫蕭護思爲北院樞密便賜對衣鞍馬夏五月庚午以早命左右以水相沃頃之粟兩六月甲午祠木葉山及潢河秋如黑山赤山射鹿

十三年春正月自丁巳晝夜酣飲者九日丙寅宋欲城益津關命南京留守高勳統軍使崔延勳以兵擾之癸酉殺獸人海里二月庚寅漢遣使來告欲巡邊徵乞張聲授壬辰如潢河癸巳觀群臣射賜物有差乙巳老人星見三月癸丑朔殺鹿人彌里吉臬其首以示掌鹿者夏四月壬寅獵于潢河五月壬戌幹朗改國所進花鹿生麀六月癸未近侍傷獐杖殺之甲申殺獐人霞馬壬辰詔諸路錄囚秋七月辛亥朔漢以宋侵來告乙丑薦時羞於廟八月甲申以生日縱五坊鷹鷂戊戌幸近山呼鹿射之旬有七日而後返九月庚戌朔以青牛白馬祭天地飲于野次終夕乃

遼史卷六
罷辛亥以酒脯祭天地復終夜酣飲冬十月丙申漢以宋
侵來告十一月庚午獵飲于虞人家凡四日十二月戊
子射野鹿賜虞人物有差庚寅殺蔬人曷主

本紀第六

本紀第七

遼史七

開府義司上柱國錄軍國重事中書右丞相監修國史領經筵事都總裁

勅修

穆宗二

十四年春正月戊寅朔奉安神燾戊戌漢以宋將來襲馳
告二月壬子詔西南面招討使撻烈進兵援漢癸亥如漢
河戊辰支解鹿人沒咎海里等七人于野封土識其地已
巳如老林東灤壬申漢以敗宋兵石州來告夏四月丁巳
漢以擊退宋軍遣使來謝是月黃龍府甘露降五月射豸
麟鹿于白鷹山至于浹旬六月丙午朔獵于玉山竟月忘

諭之不從雅里斯以撻凜蘇二群牧兵追至柴河與戰不利甲申庫古只奏室韋長寅尼吉亡入敵烈六月辛亥俞魯古獻良馬賜銀二千兩以近侍忽刺比馬至先以聞賜銀千兩是月敵烈來降秋七月甲戌雅里斯奏烏古至河德灤遣夷离董畫里夷离畢常思擊之丁丑烏古掠上京北榆林峪居民遣林牙蕭幹討之庚辰雅里斯等與烏古戰不利十月丁未常思與烏古戰敗之十二月甲辰以近侍喜哥私歸殺其妻丁未殺近侍隨魯駐蹕黑山平淀十六年春正月丁卯朔被酒不受賀甲申微行市中賜酒家銀絹乙酉殺近侍白海及家僕衫福押刺葛樞密使門

吏老古撻馬失魯三月己巳東幸庚午獲鴨甲申獲鵝皆飲達旦五月甲申以歲旱泛舟于池禱雨不雨捨舟亡水中而禱俄頃乃雨六月丙申以白海死非其罪賜其家銀絹秋七月壬午諭有司凡行幸之所必高立標識令民勿犯違以死論八月丁酉漢遣使貢金器鎧甲閏月乙丑觀野鹿入馴鹿群立馬飲至晡九月庚子以重九宴飲夜以繼日至壬子乃罷己未殺狼人裏里十月庚辰漢主有母喪遣使賻弔十二月甲子幸酒人拔刺哥家復幸殿前都點檢耶律夷膺葛第宴飲連日賜金盃細錦及孳馬百疋左右授官者甚衆戊辰漢遣使來貢是冬駐蹕黑山平淀

十七年春正月庚寅朔林牙蕭幹郎君耶律賢適討烏古
還帝執其手賜卮酒授賢適右皮室詳穩雅里斯楚思靈
里三人賜醕酒以辱之乙卯夷离畢骨欲獻烏古俘二月
甲子高勳奏宋將城益津關請以偏師擾之上從之夏四
月戊辰殺鷹人敵魯丙子射柳祈雨復以水沃群臣五月
辛卯殺鹿人札葛壬辰北府宰相蕭海瓌薨輟朝罷重五
宴六月己未支解雉人壽哥念古殺鹿人四十四人是夏
駐蹕裏潭秋八月辛酉生日以政事令阿不底病亟不受
賀九月自丙戌朔獵于黑山赤山至于月終冬十月乙丑
殺酒人粹你十一月辛卯殺近侍廷壽壬辰殺豕人阿不

札曷魯木里者涅里括庚子司天臺奏月當食不虧上以
爲祥歡飲逕旦壬寅殺鹿人唐果直哥撒刺十二月辛未
手殺獲人海里復饗之是冬駐蹕黑河平淀

十八年春正月乙酉朔宴于宮中不受賀己亥觀燈于市
以銀百两市酒命群臣亦市酒縱飲三夕二月乙卯幸五
坊使霞實里家宴飲達旦三月甲申朔如潢河乙酉獲鴛
鴒祭天地造大酒器刻爲鹿文名曰鹿無貯酒以祭天庚
戌殺鶻人胡特魯近侍化葛及監囚海里仍劉海里之尸
夏四月癸丑殺羗人抄里只己巳詔左右從班有材器幹
局者不次擢用老老者增俸以休于家五月丁亥重五以

被酒不受賀壬辰獲鵝于述古水野飲終夜丁酉與政事
令蕭排押南京留守高勳太師昭古劉承訓等酣飲連日
夜巳亥殺鹿人頗德臈哥陶瑰札不哥蘇古涅離保彌古
特敵卷等六月丙辰殺彘人屯奴已未爲殿前都點檢夷
臈葛置神帳曲赦京畿囚甲戌撻烈於鵬窠中得牝犬來
這是夏清暑裏灑秋七月辛丑漢主承鈞殂子繼元立來
告遣使弔祭九月戊子殺詳穩八刺拽刺痕篤等四人巳
丑登小山祭天地戌戌知宋欲襲河東諭西南面都統南
院大王撻烈豫爲之備巳亥獵熊以喚鹿人鋪姑并撻庭
去賜夷臈葛甲辰以夷臈葛兼政事今仍以黑山東抹真
之地數十里賜之以女瓊爲近侍女直詳穩曷陌爲本部
夷离董是秋獵于西京諸山冬十月辛亥朔宋圍太原詔
撻烈爲兵馬總管發諸道兵救之十一月癸卯冬至被酒
不受賀十二月丁丑殺酒人撻烈葛是冬駐蹕黑山東川
十九年春正月巳卯朔宴宮中不受賀巳丑立春被酒命
殿前都點檢夷臈葛代行擊土牛禮甲午與群臣爲葉格
戲戊戌醉中驟加左右官乙巳詔太尉化哥曰朕醉中處
事有乖無得曲從酒解可覆奏自立春飲至月終不聽政
三月甲寅漢劉繼元嗣立遣使乞封冊辛酉遣韓知範冊
爲皇帝癸亥殺前導未及益刺劉其屍棄之甲子漢遣使

進白鹿已巳如懷州獵獲熊歡飲方醉馳還行宮是夜近侍小哥盪人花哥庖人辛古等六人反帝遇弒年三十九廟號穆宗後附葬懷陵重熙二十一年謚曰孝安敬正皇帝
贊曰穆宗在位十八年知女巫妖妄見誅諭臣下濫刑切諫非不明也而荒耽于酒畋獵無厭偵鵝失期加炮烙鐵梳之刑獲鴟甚歡除鷹坊刺面之令賞罰無章朝政不視而嗜殺不已變起肘腋宜哉

本紀第七

本紀第八

遼史八

開府儀同三司上柱國錄軍國軍事中書右丞相監修國史領經筵事都總裁臣脫脫奉

勅修

景宗一

景宗孝成康靖皇帝諱賢字賢寧小字明宸世宗皇帝第二子母曰懷節皇后蕭氏察割之亂帝甫四歲穆宗即位養永興宮既長穆宗酗酒怠政帝一日與韓匡嗣語及時事耶律賢適止之帝悟不復言應曆十九年二月戊辰入見穆宗曰吾兒已成人可付以政已巳穆宗遇弒帝率飛龍使女里侍中蕭思溫南院樞密使高勳率甲騎千人馳

赴黎明至行在哭之慟群臣勸進遂即皇帝位於柩前百
官上尊號曰天贊皇帝大赦改元保寧以殿前都點檢耶
律夷臘右皮室詳穩蕭烏里只宿衛不嚴斬之三月丙戌
入上京以蕭思溫爲北院樞密使太平王罽撒葛亡入沙
陀已丑夷离畢粘木衣以陰附罽撒葛伏誅癸巳罽撒葛
入朝甲午以北院樞密使蕭思溫兼北府宰相己亥南院
樞密使高勳封秦王夏四月戊申朔進封太平王罽撒葛
爲齊王改封趙王喜隱爲宋王封隆先爲平王稍爲吳王
道隱爲蜀王必攝爲越王敵烈爲冀王宛爲衛王五月戊
寅立貴妃蕭氏爲皇后丙申朔射柳祈雨有司請以帝生

日爲天清節從之壬寅漢遣李匡弼劉繼文李元素等來
賀冬十月東幸裏潭十一月甲辰朔行柴冊禮祠木葉山
駐蹕鶴谷乙巳蕭思溫封魏王北院大王屋質加于越

二年春正月丁未如潢河夏四月幸東京致奠于讓國皇
帝及世宗廟五月癸丑西幸乙卯次盤道嶺盜殺北院樞
密使蕭思溫六月還上京秋七月以右皮室詳穩賢適爲
北院樞密使九月辛丑得國舅蕭海只及海里殺蕭思溫
狀皆伏誅流其弟神觀于黃龍府十二月庚午漢遣使來
貢

三年春正月甲寅右夷离畢奚底遣人獻敵烈俘詔賜有

功將士庚申置登聞鼓院辛酉南京統軍使魏國公韓匡
美封鄴王二月癸酉東幸壬午遣鐸遏使阿薩簡回鶻已
丑以青牛白馬祭天地三月丁未以飛龍使女異爲契丹
行宮都部署夏四月丁卯世宗妃啜里及蒲哥厭魅賜死
已卯祠木葉山行再生禮丙戌至自東幸戊子蕭神觀伏
誅六月丙子漢遣使問起居自是繼月而至丁丑回鶻遣
使來貢秋七月辛丑以北院樞密使賢適爲西北路招討
使八月甲戌如秋山辛卯祭皇兄吼墓追冊爲皇太子謚
莊聖九月乙巳賜傅父侍中達里迭太保楚補太保婆兒
保母回室押雅等戶口牛羊有差又以潛郎給使首爲據

馬部置官堂之壬子幸歸化州甲寅如南京冬十月己巳
以黑白羊祀神癸未漢遣使來貢丙戌鼻骨德吐谷渾來
貢十一月庚子臚胸河于越延尼里等率戶四百五十來
附乞隸宮籍詔留其戶分隸敦睦積慶永興三宮優賜遣
之十二月癸酉以青牛白馬祭天地己丑皇子隆緒生是
冬駐蹕金川

四年春二月癸亥漢以皇子生遣使來賀閏月戊申齊王
晏撤葛薨三月庚申朔追冊爲皇太叔夏四月庚寅朔追
封蕭思溫爲楚國王是夏駐蹕冰井秋七月如雲州丁丑
鼻骨德來貢冬十月丁亥朔如南京十二月甲午詔內外

官上封事

五年春正月甲子惕隱休哥伐党項破之以俘獲之數來
上漢遣使來貢庚午御五鳳樓觀燈二月丁亥近侍實魯
里誤觸神燄法論死杖釋之壬辰越王必攝獻党項俘獲
之數戊申以青牛白馬祭天地辛亥幸新城三月乙卯朔
復幸新城追封皇后祖胡母里為韓玉贈伯胡魯古兼政
事令尼古只兼侍中夏四月丙申白氣晝見五月癸亥于
越屋質薨輟朝三日辛未女直侵邊殺都監達里迭拽刺
斡里魯驅掠邊民牛馬己卯阿薩蘭回鶻來貢六月庚寅
女直宰相及夷离董來朝丙申漢遣人以宋事來告秋七

月庚辰以保大軍節度使耶律斜里底為中臺省左相是
月駐蹕燕子城九月壬子鼻骨德部長曷魯撻覽來貢冬
十月丁酉如南京十一月辛亥朔始獲應曆逆黨近侍小
哥花哥辛古等誅之十二月戊戌漢將改元遣使稟命是
月如歸化州

六年春正月癸未幸南京三月未遣使請和以涿州刺史
耶律昌朮加侍中與宋議和夏四月宋王喜隱坐謀及廢
秋七月丁未朔閣門使酌古加檢校太尉兼御史大夫男
海里以告喜隱事遙授隴州防禦使庚申獵于平地松林
冬十月乙亥朔還上京十二月戊子以沙門昭敏為三京

遼紀
四
訪道僧尼都總管加兼侍中

七年春正月甲戌朔宋遣使來賀壬寅望祠木葉山二月
癸亥漢鴈門節度使劉繼文來朝貢方物丙寅以青牛白
馬祭天地三月壬午耶律速撒等獻党項俘分賜群臣夏
四月遣郎君知思使宋己酉祠木葉山辛亥射柳祈雨如
頻蹕淀清暑五月丙戌祭神姑秋七月黃龍府衛將燕頗
殺都監張瑀以叛遣敞史耶律曷里必討之九月敗燕頗
於治河遣其弟安搏追之燕頗走保兀惹城安搏乃還以
餘黨千餘戶城通州是秋至自頻蹕淀冬十月鈎魚土河
八年春正月癸酉宋遣使來聘二月壬寅諭史館學士書

皇后言亦稱朕暨予著為定式三月辛未遣五使廉問四
方鰥寡孤獨及貧乏失職者振之夏六月以西南面招討
使耶律斜軫為北院大王秋七月丙寅朔寧王只沒妻安
只伏誅只沒高勳等除名辛未宋遣使來賀天清節八月
癸卯漢遣使言天清節設無遮會飯僧祝釐丁未如秋山
己酉漢以宋事來告是月女直侵貴德州東境九月己巳
謁懷陵辛未東京統軍使察鄰詳穩涸奏女直襲歸州五
寨剽掠而去乙亥鼻骨德來貢壬午漢為宋人所侵遣使
求援命南府宰相耶律沙冀王敵烈赴之戊子漢以宋師
壓境遣駙馬都尉盧俊來告冬十月辛丑漢以遼師退宋

通鑑卷八
軍來謝十一月丙子宋主匡胤殂其弟昞自立遣使來告
辛卯遣郎君王六捷馬涅木古等使宋弔慰十二月壬寅
遣蕭只古馬折賀宋即位丁未漢以宋軍復至掠其軍儲
來告且乞賜糧爲助戊午詔南京復禮部貢院是月韃靼
斯國遣使來貢

本紀第八

本紀第九

遼史九

開府儀同三司在國醫國軍事中書右丞相監國史領經筵事都總裁臣脫脫奉

勅修

景宗二

九年春正月丙寅女直遣使來貢二月庚子宋遣使致其
先帝遺物甲寅以青牛白馬祭天地三月癸亥耶律沙敵
烈獻援漢之役所獲宋俘戊辰詔以粟二十萬斛助漢五
月庚午漢遣使來謝且以宋事來告己丑女直二十一人
來請宰相夷离董之職以次授之六月丙辰以宋王喜隱
爲西南面招討使秋七月庚申朔回鶻遣使來貢甲子宋

遣使來聘壬申漢以宋侵來告丙子遣使助漢戰馬八月
灌遣使進葡萄酒冬十月甲子耶律沙以党項降酋可醜
買友來見賜詔撫諭丁卯以可醜爲司徒買友爲太保各
賜物遣之壬申女直遣使來貢乙酉漢復遣使以宋事來
告十一月丁亥朔司天奏曰當食不虧戊戌吐谷渾叛入
太原者四百餘戶索而還之癸卯祠木葉山乙巳遣太保
迭烈割等使宋乙卯漢復遣使以宋事來告十二月戊辰
獵于近郊以所獲祭夫

十年春正月癸丑如長樂二月庚午阿薩蘭回鶻來貢三
月庚寅祭顯陵夏四月丁卯西幸己巳女直遣使來貢五
月癸卯賜女里死遣人誅高勳等六月己未駐蹕泚柳湖
秋七月庚戌享太祖廟九月癸未平王隆先子陳哥謀害
其父車裂以徇是冬駐蹕金川

乾亨元年春正月乙酉遣捷馬長壽使宋問興師伐劉繼
元之故丙申長壽還言河東逆命所當問罪若北朝不援
和約如舊不然則戰二月丁卯漢以宋兵壓境遣使乞援
詔南府宰相耶律沙爲都統冀王敵烈爲監軍赴之又命
南院大王斜軫以所部從樞密副使抹只督之三月辛巳
速撒遣人以別部化哥等降納之丙戌漢遣使謝撫諭軍
民詔北院大王奚底乙室王撒合等以兵戍燕己丑漢復

告宋兵入境詔左千牛衛大將軍韓倬大同軍節度使耶律善補以本路兵南援辛卯女直遣使來貢丁酉耶律沙等與宋戰於白馬嶺不利冀王敵烈及突呂不部節度使都敏黃皮室詳穩唐答皆死之士卒死傷甚衆夏四月辛亥漢以行軍事宜來奏盧俊自代州馳狀告急辛酉敵烈來貢五月己卯宋兵至河東漢與戰不利劉繼文盧俊來奔六月劉繼元降宋漢亡甲子封劉繼文爲彭城郡王盧俊同政事門下平章事宋主來侵丁卯北院大王奚底統軍使蕭討古乙室王撒合擊之戰于沙河失利己巳宋主圍南京丁丑詔諭耶律沙及奚底討古等軍中事宜秋七

月癸未沙等及宋兵戰于高粱河少却休哥斜軫橫擊大敗之宋王僅以身免至涿州竊乘驢車遁去甲申擊宋餘軍所殺甚衆獲兵仗器甲符印糧饋貨幣不可勝計辛丑耶律沙遣人上俘獲以權知南京留守事韓德讓權南京馬步軍都指揮使耶律學古知三司事劉弘皆能安人心捍城池並賜詔褒獎八月壬子阻卜惕隱曷魯夷离董阿里觀等來朝乙丑耶律沙等獻俘丙寅以白馬之役責沙抹只復以走宋主功釋之奚底遇敵而退以劔背擊手之撒合雖却部伍不亂宥之冀王敵烈麾下先道者斬之都監以下杖之壬申宴沙抹只等將校賜物有差九月己卯燕

王韓匡嗣爲都統南府宰相耶律沙爲監軍惕隱休哥南院大王斜軫權奚王抹只等各率所部兵南伐仍命大同軍節度使善補領山西兵分道以進冬十月乙丑韓匡嗣與宋兵戰於滿城敗績辛未太保矧思與宋兵戰於火山敗之乙亥詔數韓匡嗣五罪赦之十一月戊寅宴賞休哥及有功將校乙未南院樞密使兼政事令郭襲上書諫敗獵嘉納之辛丑冬至赦改元乾亨十二月乙卯燕王韓匡嗣遥授晉昌軍節度使降封秦王壬戌蜀王道隱南京留守徙封荆王是冬駐蹕南京

二年春正月丙子朔封皇子隆緒爲梁王隆慶爲恒王丁

亥以惕隱休哥爲北院大王前樞密使賢適封西平郡王

二月戊辰如清河三月丁亥西南面招討副使耶律王六

太尉化哥遣人獻党項俘閏月庚午有鴉飛止御帳獲以

祭天夏四月庚辰祈雨戊子清暑燕子城五月雷火乾陵

松六月己亥喜隱復謀反囚于祖州秋七月戊午王六等

獻党項俘八月戊戌東幸冬十月辛未朔命巫者祠天地

及兵神辛巳將南伐祭旗鼓癸未次南京丁亥獲敵人射

鬼箭庚寅次固安以青牛白馬祭天地己亥圍瓦橋關十

一月庚子朔宋兵夜襲營突呂不部節度使蕭幹及四捷

軍誼穩耶律痕德戰却之壬寅休哥敗宋兵於瓦橋東守

將張師引兵出戰休哥奮擊敗之戊申宋兵陣於水南休哥涉水擊破之追至莫州殺傷甚衆己酉宋兵復來擊之殆盡丙辰班師乙丑還次南京十二月庚午朔休哥拜于越犬饗軍士

三年春二月丙子東幸己丑復幸南京三月乙卯皇子韓八卒辛酉葬潢土二河之間置永州以秦王韓匡嗣爲西南面招討使五月丙午上京漢軍亂劫立喜隱不克僞立其子留禮壽上京留守除室擒之秋七月甲子留禮壽伏誅冬十月如蒲瑰坡十一月辛亥加除室同政事門下平章事是月以南院樞密使郭襲爲武定軍節度使十二月

以遼興軍節度使韓德讓爲南院樞密使

四年春正月己亥如華林天柱三月乙未清明與諸王大臣較射宴飲夏四月自將南伐至滿城戰不利守太尉奚瓦里中流矢死統軍使善補爲伏兵所圍樞密使斜軫救免詔以失備杖之五月班師清暑燕子城秋七月壬辰遣使賜喜隱死八月如西京九月庚子幸雲州甲辰獵于祥古山帝不豫壬子次焦山崩於行在年三十五在位十三年遺詔梁王隆緒嗣位軍國大事聽皇后命統和元年正月壬戌上尊謚孝成皇帝廟號景宗重熙二十一年加謚孝成康靖皇帝

贊皇遜興六十餘年神冊會同之間日不暇給天祿應曆之君不令其終保寧而來人人望治以景宗之資任人不疑信賞必罰若可與有爲也而竭國之力以助河東被軍殺將無救滅亡雖一取償於宋得不償失知匡嗣之罪數而不罰善郭襲之諫納而不用沙門昭敏以左道亂德寵以侍中不亦惑乎

本紀第九

本紀第十

遼史十

開府儀同三司上柱國錄軍國軍事中書省權監國史領經筵事都總裁王曉旣奉

勅修

聖宗一

聖宗文武大孝宣皇帝諱隆緒小字文殊如景宗皇帝長子母曰睿智皇后蕭氏帝幼喜書翰十歲能詩旣長精射法曉音律好繪畫乾亨二年封梁王四年九月壬子景宗崩癸丑即皇帝位於柩前時年十二皇后奉遺詔攝政詔諭諸道冬十月己未朔帝始臨朝辛酉群臣上尊號曰昭聖皇帝尊皇后爲皇太后大赦以南院大王勃古哲總領

山西諸州事北院大王于越休哥爲南面行軍都統奚王和朔奴副之同政事門下平章事蕭道寧領本部軍駐南京乙丑如顯州十一月甲午置乾州十二月戊午朔耶律速撒討阻卜辛酉南京留守荆王道隱奏宋遣使獻犀帶請和詔以無書却之甲子撻刺干乃五十醉言宮掖事法當死杖而釋之辛未南面招討使秦王韓匡嗣薨癸酉奉大行皇帝梓宮于葭塗殿庚辰省置中臺省宮

統和元年春正月戊午朔以大行在殯不受朝乙丑奉遺詔召先帝庶兄質睦于葭塗殿前復封寧王加宰相室昉宣徽使普領等息丙寅荆王道隱有疾詔遣使存問是日

皇太后幸其邸視疾戊辰以烏隈烏骨里部節度使耶律章瓦同政事門下平章事申戊荆王道隱薨輟朝三日追封晉王遣使撫慰其家西子以于越休哥爲南京留守仍賜南面行營總管印綬總邊事渤海撻馬解里以受先帝厚息乞殉葬詔不許賜物以旌之戊寅遣使賜于越休哥及奚王籌寧統軍使頗德等湯藥命懇薦持送休哥下車傍以諭燕民辛巳速撒獻阻卜俘壬午涿荆刺史安吉奏宋築城河北詔留守于越休哥撓之勿令就功趙妃及公主胡骨典奚王籌寧宰相安寧北大王普奴寧惕隱屈烈吳王稍寧主只沒與橫帳國舅契丹漢宮等並進助山陵

賈癸未齊國公主率內外命婦進物如之甲申西南面招
討使韓德威奏党項十五部侵邊以兵擊破之乙酉以速
撒破阻卜下詔褒美仍諭與大漢討党項諸部丁亥樞密
使燕政事令室昫以年老請解兼職詔不允二月戊子朔
禁所在官吏軍民不得無故聚衆私語及冒禁夜行違者
坐之己丑南京奏聞宋多聚糧邊境及宋主將如臺山詔
休哥嚴爲之備甲午葬景宗皇帝於乾陵以近幸朗掌飲
伶人撻魯爲殉上與皇太后因爲書附上大行丙申皇太
后詣陵置奠命繪近臣於御容殿賜山陵工人物有差廣
予以先帝遺物賜皇族及近臣辛丑南京統軍使耶律善

補養宋邊七十餘村來附詔撫存之乙巳以御容殿爲王
殿酒谷爲聖谷速撒奏討党項捷遣使慰勞戊申以楊隱
化哥爲北院大王解頴爲南府宰相辛亥幸聖山遂謁三
陵甲寅以皇女長壽公主下嫁國舅宰相蕭婆項之子具
留三月戊午天德軍節度使頽刺父子戰歿以其弟涅離
襲爵己未次獨山遣使賞西南面有功將士辛酉以大父
張太尉耶律曷魯寧爲楊隱甲子駐蹕遼河之平淀辛巳
以國舅同平章事蕭道寧爲遼興軍節度使仍賜號忠亮
佐理功臣壬午以青牛白馬祭天地夏四月丙戌朔幸東
京以樞密副使耶律末只兼侍中爲東京留守庚寅謁太

相廟癸巳詔賜物命婦寡居者丙申南華辛丑謬三陵以
東京所進物分賜陵寢官吏復詔賜西南路招討使大漢
劍不用命者得專殺壬寅致享于凝神殿癸卯謁乾陵乙
巳遣人以酒脯祭平章耶律河陽墓庚戌幸夫人烏骨里
第謁太祖御容禮畢辛公主胡古典第飲賜與甚厚壬子
大臣以太后預政宜有尊號請下有司詳定冊禮詔樞密
院諭公邊節將至行禮日止遣子弟奉表稱賀恐失邊備
樞密請詔北府司徒頗德譯南京所進律文從之遂如徽
州以耶律慶郎爲信州節度使五月丙辰朔國舅政事門
下平章事蕭道寧以皇太后慶壽請歸父母家行禮而齊

國公主及命婦群臣各進物設宴賜國舅帳者年物有差
壬戌西南路招討請益兵討西突厥諸部詔北王府耶律
蒲奴寧以敵畢迭烈二部兵赴之癸亥以于越休哥在南
院過用吏人詔南大王母相循襲庚午耶律善補招亡入
宗者得千餘口歸國詔令撫慰辛未次永州祭王子藥師
奴墓乙亥詔近臣議皇太后上尊號冊禮樞密使韓德度
以後漢太后臨朝故事草定上之丙子以青牛白馬祭天
地戊寅辛未葉山西南路招討使大漢奏近遣拽刺跋刺
哥諭党項諸部來者甚衆下詔褒美六月乙酉朔詔有司
冊皇太后日給三品以上法服三品以下用大射御之服

西南路招討使奏党項酋長執夷离董之隈引等乞內附
詔撫納之仍察其誠爲謹邊備丙戌還上京己丑有司奏
同政事門下平章事駙馬都尉盧俊與公主不協詔離之
遂出後爲興國軍節度使辛卯有事于太廟甲午二率群
臣上皇太后尊號曰承天皇帝太后羣臣上皇帝尊號曰天
輔皇帝大赦改元統和丁未覃恩中外文武官各進爵一
級以樞密副使耶律斜軫守司徒秋七月甲寅崩皇太后
聽政乙卯上親錄囚王子司徒婁國坐稱疾不赴山陵啓
二十辛酉行再生禮祭酉臨潢尹褒袞進飲饌上與諸王
分朋擊鞠丙子韓德威遣詳穩轄馬上破党項俘獲數千

送夷离董之子來獻辛巳賞西南面有功將士八月戊子
上西巡己丑謁祖陵辛卯皇太后祭楚國王蕭思溫墓癸
巳上與皇太后謁懷陵遂幸懷州甲午上與斜軫於太后
前易弓矢鞍馬約以爲友己亥獵赤山遣使薦熊肪鹿脯
于乾陵之疑神殿以政事令孫禎無子詔國舅小翁帳郎
君挑隈爲之後乙巳詔于越休哥提點元城壬子韓德威
表請伐党項之德叛者詔許之仍發別部兵數千以助之
九月癸丑朔以東京平州旱蝗詔振之乙卯謁永興長寧
敦睦三宮丙辰南京留守奏秋霖害稼請權停關征以通
山西糴易從之庚申謁營籓皇帝廟辛酉幸祖州謁祖陵

士戍還上京辛未有司請以帝生日爲千齡節從之皇太后言故干越屋只有傳導功宜錄其子孫遂命其子泮泆爲林牙丙子如老翁川冬十月癸未朔司天奏老人星見戊子以公主淑哥下嫁國舅詳穩照姑癸巳速撒奏敵烈部及叛蕃來降悉復故地乙未以燕京留守于越休哥言每歲諸節度使貢獻如契丹官例止進鞍馬從之丁酉以吳王稍爲上京留守行臨潢尹事上將征高麗親閱東京留守耶律末只所總兵馬丙午命宣徽使兼侍中蒲領林牙肯德等將兵東討賜旗鼓及銀符十一月壬子朔觀漁撻馬濼癸丑應州奏獲宋謀者言宋除道五臺山將入靈

丘界詔謀者及居停人並磔于市庚辰上與皇太后祭乾陵下詔諭三京左右相左右平章事副留守判官諸道節度使判官諸軍事判官錄事參軍等當執公方母得阿順諸縣令佐如遇州官及朝使非理徵求母或畏徇恒加采聽以爲殿最民間有父母在別籍異居者聽鄰里覺察坐之有孝于父母三世同居者旌其門閭十二月壬午朔謁凝神殿遣使分祭諸陵賜守殿官屬酒是日幸顯州丁亥以顯州歲貢綾錦分賜左右甲午東幸己亥皇太后觀漁于玉盆灣辛丑觀漁于濬淵甲辰勅諸刑辟已結正決遣而有寃者聽詣臺訴是夕然萬魚燈于雙溪戊申千齡節

祭日月禮畢百僚稱賀

二年春正月甲子如長樂二月癸巳國舅帳彰德軍節度使蕭闡覽來朝甲午賜將軍耶律敵不春衣束帶丙申東路行軍宣徽使蕭蒲寧奏討女直捷遣使執手獎諭庚子朝皇太后太后因從觀獵于饒樂川乙巳五國烏隈于厥節度使耶律隗注以所轄諸部難治乞賜詔給劔便宜行事從之丙午上與諸王大臣較射丁未韓德威以征党項迴遂襲河東獻所得賜詔褒美三月乙卯劃離部請今後詳穩止從本部選授爲宜上曰諸部官惟在得人豈得定以所部爲限不允贈故同平章事趙延煦兼侍中夏四月

丁亥宣徽使同平章事耶律普寧都監蕭勤德獻征女直捷授普寧兼政事令勤德神武衛大將軍各賜金器諸物庚寅皇太后臨决滯獄辛卯祭風伯壬辰以宣徽南院使劉承規爲承德軍節度使崇德宮都部署保義軍節度使張德筠爲宣徽北院使五月乙卯祠木葉山丁丑駐蹕汾柳湖六月己卯朔皇太后决獄至月終秋七月癸丑皇太后行再生禮八月辛卯東京留守兼侍中耶律末只奏女直未不直賽里等八族乞舉衆內附詔納之九月戊申朔駢蹕土河辛未以景宗忌日詔諸道京鎮遣官行香飯僧冬十月丁丑朔以歸化州刺史耶律普寧爲彰德軍節度

使右武衛大將軍韓倬爲彰國軍節度使兼侍衛親軍兵
馬都指揮使冬十一月壬子以樞密直學士給事中鄭叔爲
儒州刺史是月速撒等討阻卜殺其酋長撻刺于十二月
辛丑以翰林學士承旨馬得臣爲宣政殿學士耶律頗德
南京統軍使耶律瑤昇大內惕隱六仁靖東京中臺省左
平章事

三年春正月丙午朔如長樂丁巳以翰林學士邢抱朴爲
尚書禮部侍郎知制誥左拾遺知制誥劉景吏部郎中知
制誥牛藏用並政事舍人二月丙子朔以牛藏用知樞密
直學士三月乙巳朔樞密奏契丹諸役戶多困乏請以富

戶代之上因閱諸部籍涅刺烏隈二部戶少而役重并量
免之夏四月乙亥朔祠木葉山壬午以鳳州刺史趙匡符
爲保靜軍節度使癸未以左監門衛大將軍王庭勛爲奉
先軍節度使彰武軍節度使韓德凝爲崇義軍節度使五
月壬子還上京癸酉以國舅蕭道寧同平章事知瀋州軍
州事六月甲戌如栢坡皇太后親次滯獄乙亥以歸義軍
節度使王希巖爲興國軍節度使秋七月甲辰朔詔諸道
繕甲兵以備東征高麗甲寅東華甲子遣郎君班惠賜秦
王韓匡嗣葬物丙寅駐蹕土河以暴漲命造船橋明日乘
步輦出聽政老人星見丁卯遣使閱東京諸軍兵器及東

征道路以平章事蕭道寧為昭德軍節度使武定軍節度使守司空兼政事令郭襲為天平軍節度使大同軍節度使守太子太師兼政事令劉延構為義成軍節度使贈尚父秦王韓匡嗣尚書令八月癸酉朔以遼澤沮洳罷征高麗命樞密使耶律斜軻為都統駙馬都尉蕭懇德為監軍以兵討女直丁丑次稟城庚辰至顯州謁凝神殿辛巳幸乾州觀新宮癸未謁乾陵甲申命南北面臣僚分巡山陵林木及令乾顯二州上所部里社之數丙戌北皮室詳穩進勇敢士七人戊子故南院大王諧領已室婉妻蕭氏奏夫死不能葬詔有司助之庚寅東征都統所奏路尚陷濼未

可進討詔俟澤涸深入癸巳皇太后謁顯陵庚子謁乾陵辛丑西幸閏九月癸酉命邢抱朴勾檢顯陵丙子行次海上庚辰重九駱駝山登高賜群臣菊酒辛巳詔諭東征將帥兼水涸進討丙申女直宰相朮不里來貢戊戌駐蹕東古山己亥速撒奏朮不姑諸部近淀夷裔董易魯姑請行俘掠上曰諸部於國無患何故俘掠徒生事耳不允冬十月甲戌詔吳王稍領秦王韓匡嗣葬祭事丁丑詔以東北路兵馬監軍妻婆底更存撫邊民戊寅賜公主胡骨典葬夫金帛工匠辛卯以韓德讓兼政事令癸巳禁行在市易布帛不中尺度者丙申東征女直都統蕭闡覽普薩

奴以行軍所經地里物產來上

邊錄

九

馬

Faint vertical text columns, likely bleed-through from the reverse side of the page.

